

בראשו ואנחנו נקים וכל אשר יהיה
 אתך בבית דמו בראשנו אם יד
 תהיה בו: ואם תגיד את דברנו
 זה והיינו נקים משבעתך אשר
 השבעתנו: ותאמר כדברכם כן הוא
 ותשלחם וילכו ותקשר את תקורת
 השני בחלון: וילכו ויבאו ההרה
 וישבו שם שלשת ימים עד שבו
 הרדפים ויבקשו הרדפים בכל
 הדרך ולא מצאו: וישבו שני האנשים
 וירדו מהר ויעברו ויבאו אל יהושע
 בנגן ויספרו לו את כל המצאות
 אותם: ויאמרו אל יהושע כי נתן
 יהוה בידנו את כל הארץ וגם נמנו
 כל ישרי הארץ מפנינו:

הפטרת קרח

שמואל ב'

Brotherhood of Congregation Bnai Tzedek
 Potosi, Maryland

פוטומק, מרילנד

אגודת אחים של קהילת בני צדק

ויאמר שמואל אל העם לכו
 ונלכה הגלגל ונחדש שם המלוכה:
 וילכו כל העם הגלגל וימלכו שם
 את שאול לפני יהוה בגלגל ויזבחו
 שם זבחים שלמים לפני יהוה וישמח
 שם שאול וכל אנשי ישראל עד
 מאד: ויאמר שמואל אל כל ישראל
 הנה שמעתי בקלכם לכל אשר
 אמרתם לי ואמליך עליכם מלך:
 ועתה הנה המלך מתהלך לפניכם
 ואני זקנתי ושבת יבני הנם אתכם
 ואני התהלכתי לפניכם מנערי עד
 היום הזה: הנני ענו כי נגד יהוה ונגד
 משיחו את שור ומי לקחתי וחמור
 מי לקחתי ואת מי עשיתי את מי

רצותי ומיד מי לקחתי כפר ואעלים
 עיני בו ואשיב לכם: ויאמרו לא
 עשיתנו ולא רצותנו ולא לקחת
 מיד איש מאומה: ויאמר אליהם
 עד יהוה בכם ועד משיחו היום
 הזה כי לא מצאתם בידי מאומה
 ויאמר עד: ויאמר שמואל אל העם
 יהוה אשר עשה את משה ואת
 אהרן ואשר העלה את אבותיכם
 מארץ מצרים: ועתה הויתו צנו
 ואשפטה אתכם לפני יהוה את כל
 צדקות יהוה אשר עשה אתכם ואת
 אבותיכם: כאשר בא יעקב מצרים
 ויזעקו אבותיכם אל יהוה וישלח
 יהוה את משה ואת אהרן ויוציאו
 את אבותיכם ממצרים וישבום במקום
 הזה: וישפחו את יהוה אלהיהם
 וימפר אתם ביד סיסרא שר צבא
 חצור וביד פלשתים וכיד מלך
 מואב וילחמו בם: ויזעקו אל יהוה
 ויאמר חטאנו כי עזבנו את יהוה
 ונעבד את הבעלים ואת העשתרות
 ועתה הצילנו מיד איבינו ונעבדך:
 וישלח יהוה את ירבעל ואת בדן
 ואת יפתח ואת שמואל ויצל אתכם
 מיד איביכם מסביב ותשבו בטוח:
 ותראו כי נחש מלך בני עמון בא
 עליכם ותאמרו לי לא כי מלך ימלך
 עלינו והוה אלהיכם מלככם: ועתה
 הנה המלך אשר בחרתם אשר
 שאלתם והנה נתן יהוה עליכם מלך:
 אם תיראו את יהוה ועבדתם אתו
 ושמעתם בקולו ולא תמרו את פי
 יהוה והיתם גם אתם גם המלך
 אשר מלך עליכם אחר יהוה אלהיכם:

ואם לא תשמעו בקול יהוה ומריתם
 את פי יהוה והיתה יד יהוה בככם
 ובאבותיכם וגם עתה התיצבו וראו
 את הדבר הגדול הזה אשר יהוה
 עשה לעיניכם: הלוא קציר חטים
 היום אקרא אל יהוה ויתן קלות ומטר
 ודעו וראו כי רעתכם רבה אשר
 עשיתם בעיני יהוה לשאול לכם מלך:
 ויקרא שמואל אל יהוה ויתן יהוה קלת
 ומטר ביום ההוא ויירא כל העם מאד
 את יהוה ואת שמואל: ויאמרו כל
 העם אל שמואל התפלל בעד
 עבדיך אל יהוה אלהיך ואל נמות
 כי יספנו על כל חטאתינו רעה
 לשאל לנו מלך: ויאמר שמואל אל
 העם אל תיראו אתם עשיתם ארע
 כל הרעה הזאת אף אל הנסורו
 מאחרי יהוה ועבדתם את יהוה בכל
 לבבכם: ולא תסורו כי אחריתו
 אשר לא יועילו ולא יצילו כיתהו
 המה: כי לא יטש יהוה ארע עמו
 בעבור שמו הגדול כי הואיל יהוה
 לעשות אתכם לו לעם:

הפטרות חקת שופטים יא

Radef Shalom Temple Men's Club Hampton, Virginia
 Avraham Hershel v' Husia Muchnik
 Bryn Mawr, Pennsylvania
 אנודת אהים של טמפל רודף שלום
 אברהם הרשל וחוסיה מוצניק
 המפטון, ווירג'יניה
 בריין מר, פנסילבניה

ויפתח הגלעדי והיה גבור חיל
 והוא בן אשה זונה וילד גלעד את
 יפתח: ותלד אשת גלעד לו בנים
 ויגדלו בני האשה ויגרשו את יפתח
 ויאמרו לו לאיתנחל בבית אבינו כי
 בן אשה אחרת אתה: ויברח יפתח
 מפני אחיו וישב בארץ טוב ויתלקטו

אל יפתח אנשים ריקים ויצאו עמו:
 והי מימים וילחמו בני עמון עם
 ישראל: והי כאשר נלחמו בני עמון
 עם ישראל וילכו זקני גלעד לקחת
 את יפתח מארץ טוב: ויאמרו ליפתח
 לכה והייתה לנו לקצין ונלחמה בבני
 עמון: ויאמר יפתח לזקני גלעד הלא
 אתם שנאתם אותי ותגרשוני מבית
 אבי ומדוע באתם אלי עתה כאשר
 צר לכם: ויאמרו זקני גלעד אל
 יפתח לכן עתה שבנו אליך והלכת
 עמנו ונלחמת בבני עמון והיית לנו
 לראש לכל ישוב גלעד: ויאמר יפתח
 אל זקני גלעד אם משיבים ארנם
 אותי להלחם בבני עמון ונתן יהוה
 אותם לפני אנכי אהיה לכם לראש:
 ויאמרו זקני גלעד אל יפתח יהוה
 יהיה שומע בינותינו אם לא כדברך
 כן נעשה: וילך יפתח עם זקני גלעד
 וישומו העם אותו עליהם לראש
 ולקצין וידבר יפתח את כל דבריו
 לפני יהוה במוצפה: וישלח יפתח
 מלאכים אל מלך בני עמון לאמר
 מה לי ולך כי באת אלי להלחם
 בארצי: ויאמר מלך בני עמון אל
 מלאכי יפתח כי לקח ישראל את
 ארצי בעלותו ממצרים מארנון ועד
 היבק ועד הירדן ועתה השיבה אתה
 בשלום: ויוסף עוד יפתח וישלח
 מלאכים אל מלך בני עמון: ויאמר
 לו כה אמר יפתח לא לקח ישראל
 את ארץ מואב ואת ארץ בני עמון:
 כי בעלותם ממצרים וילך ישראל
 במדבר עד ים סוף ויבא קדשה:
 וישלח ישראל מלאכים אל מלך